

in ipsâ Electionis Aula. Ubi tandem invocata Spiritûs S. gratiâ, & absolutis pro more per Legatum, seu Nuntium, Capitularibus ab Excommunicatione & alijs Censuris in ordine ad effectum Electionis Canonice, per vota maiora electus & eluctatus est is, cui defectus Natalium obiectus erat. Ex occasione huius hanc scribendi materiam affumo contra libellos famosos in Electionibus.

241. Famosi libelli nomine intelligitur scriptura, charta, imago, & quæcunque alia tessera symbolica, in quocunque loco reposita, ad alterius occultam infamiam scripta, picta, delineata, expressa, publicata, ut necscientibus innotescat. colligitur ex *Cap. qui in alterius*. 1. *Gribo Glossa. Caus. 5. quæst. 1. & leg. si quis. unic. Cod. de famos. Libell.*

242. Inter alias iniurias famosus libellus primum obtinet: ubi enim verbalis iniuria prætervolat, & citò in fumum abit, hic littera scripta manet, & iniuria eò est gravior, quò diuturnior. Differt à calumnia, quòd hæc fiat in iudicio, illa verò intendatur extraiudicialiter.

243. Ad huius constitutionem conditiones quinque requiri copulativè, volunt plures, & quidem, ut in Libello seu charta exprimat nomen Iniuriati, vel ut saltem ex certis coniecturis Iniuriatus individualiter & cerò cognosci possit. *leg. quod Senatus-Consultum. 6. leg. item apud. 15. §. cui. 9. ff. de iniur.* Ut libellus famosus cum diffamatione publicetur. Ut dolus interveniat, animusque iniuriandi. *leg. lex Cornelia. 5. §. si quis. 9. ff. eod.* Ut in libello contineatur contumelia & delictum aliquod considerabile. Ut Author libelli famosi suum occultet nomen. In conditione postremâ variant DD. æstimem ego, nihil referre, an nomen sit occultum, necne, cum *Glossa in cit. leg. Lex Cornelia. 5. §. si quis. 9. ibi: si quis librum famosum componat, edat, vel litterarum consequentiâ, vel notis describat, suòve aut alterius nomine* *§. ff. de iniur.*

244. Examinandum casum nostrum dubia est quæstio, an uterque libellus fuerit famosus? minimè. In primo etenim solus natalium defectus obijciebatur, qui in filio crimine caret: nasci de adulterio, non est eius culpa, qui nascitur, sed illius, qui generat. *cap. nasci. 5. Dist. 56. Et undecunque homines nascuntur, si parentum vitia non seclentur, & Deum rectè colant, honesti & salvi erunt. cap. undecunque. 3. Dist. ead. nec parentum iniquitates obesse debent filiis. cap. sponsus. 6. Dist. ead. intellige ad culpam.*

245. Cum ergò irregularitas ob natales non nascatur ex delicto & culpa, sed ex defectu, atque adeò in filio rationem admissi criminis non habeat, obiectio huius defectus libellum non reddit famosum in rigore, cum crimen non contineat, sed erit solum iniuria in scriptis,

vindicanda per actionem iniuriarum. *leg. item apud Labconem. 15. §. generaliter. 27. ibi: quodcumque quis fecerit, vel dixerit, ut alium infamet, erit actio iniuriarum. ff. de iniur.* Et *leg. si non es. 3. ibi: adversus eos, qui minuendæ opinionis tuæ causâ aliquid confectisse comperientur, more solito iniuriam iudicio experiri potes. Cod. eod. si tamen velis hanc iniuriam comprehendere in fasciculo libellorum famosorum, uti nonnullis placet, sub. & in ampliori sphaera, nolim contendere, dummodò pœnam temperes.*

Alterum libellum cum insimulatione & vi. 246. tio adulterij esse famosum, cum crimen obiectum sit falsum, omnino apud DD. certum est. Imò si crimen etiam fuisset & esset verum, in classem libelli famosi reduci deberet. Hac quippe in materia inspicitur modus publicandi delictum cum infamia, quæ indubitata sequitur ex inverso libellantis ordine. Si enim zelus fuisset irregularis, & vitium probari potuisset, debuisset sanè Præsidentem seu Judicem adijisse, denuntiando vel etiam accusando delictum Candidati: id ubi negligitur, infamatur Candidatus, dum publicatur delictum, ut alijs innotescat, quod alias innotescere non debuisset modò irregulari.

Rationem audi ex Oraculo Imperatorum: 248. *Si quis devotionis suæ, ac salutis publicæ custodiam gerit, nomen suum profiteatur, & quæ per famosum libellum persequenda putaverit, ore proprio edicat: ita ut & sine ulla trepidatione accedat, sciens quidem, quòd si adsertionibus suis veri fides fuerit opulenta, laudem maximam & premium à nostra clementia consequetur. leg. unic. Cod. de famos. libell.*

Ubi vides, nihil referre ad constituendum 249. libellum, siue adsit, siue absit veri fides, dummodò adsit dolus malus cum intentione nocendi, infamandi, & publicandi delictum. 9. Cod. Theodos. 24. ibi: *nec tamen supplicio (libelli famosi) etiamsi aliquid ostenderit, subtrahatur.* Si autem pœna ordinaria libelli famosi irrogatur, necessariò culpa libelli famosi supponitur. *cap. non afferamus. 21. caus. 24. quæst. 1. ne pœna ulterius protrahatur, quàm delictum fuerit in excedente perpetratum. cap. quæsit 2. de his, quæ sunt à maior. part. capit. cap. fin. de excess. Prælator.*

Nec minùs famosum esse libellum æstimo 250. ex iniuria in alteram factionem, seu unionem Electorum effusâ. Etsi enim videatur deficere nomen individuale Iniuriati, eò quod factio dicat pluralitatem individuorum, & sit corpus quoddam politicum ex multis invicem collectis confectum. *cap. nullus. 1. de Elect. & leg. sicut. 7. in fin. ff. quod cuiusque univers. nom.*

Sufficit tamen ratio generica, & ita distincta, ut sciatur, crimen cum occulta infamia in hoc potius corpus morale, cuius membra sunt